

Baca sajak di bawah, kemudian jawab soalan-soalan berikutnya.

Satu ketika dahulu
sekolah inilah rumah kedua.

Di sini aku
diajar mengenal angka dan huruf
dididik membezakan baik dan buruk
dibimbing memilih yang betul
oleh insan yang tidak kenal jemu
menitipkan pesan dan ilmu.

Di sinilah aku
mula memasang angan
menanaminya menjadi impian
mengejanya menjadi cita.

Biar bertahun-tahun
sekolah ini tidak pernah sepi
walau penghuni datang dan pergi
tetap sahaja teguh berdiri

Dan kini
aku kembali ke sekolah ini
untuk kucurahkan bakti
kepada anak pertiwi.

1. Mengapakah penyajak mengatakan sekolahnya sebagai rumah kedua? Pilih jawapan yang betul.

Penyajak mengatakan sekolahnya sebagai rumah kedua kerana dia tidak suka menghabiskan masanya di rumah untuk belajar.

Penyajak mengatakan sekolahnya sebagai rumah kedua kerana dia banyak menghabiskan masanya di sekolah untuk belajar.

2. Siapakah yang menitipkan pesan dan ilmu kepada penyajak? Pilih jawapan yang betul.

Ibu bapa yang menitipkan pesan dan ilmu kepada penyajak.

Guru yang menitipkan pesan dan ilmu kepada penyajak.

3. Padankan maksud baris sajak di bawah dengan betul.

Walau penghuni datang
dan pergi.

Murid-murid dan para
guru yang silih berganti.

Warga sekolah pulang ke
rumah masing-masing.

4. Terangkan maksud baris-baris sajak pada rangkap kelima.
Pilih jawapan yang paling sesuai.

Maksud baris-baris sajak pada rangkap kelima ialah penyajak kembali ke sekolahnya sebagai guru untuk mendidik anak bangsa.

Maksud baris-baris sajak pada rangkap kelima ialah penyajak memberikan sumbangan kepada sekolahnya sebagai tanda penghargaan.

Maksud baris-baris sajak pada rangkap kelima ialah penyajak kembali ke sekolahnya apabila telah berjaya.